

SAMÞYKKT

um hundahald í Húnaþingi vestra.

1. gr.

Hundahald er bannað í Húnaþingi vestra að undanteknum þarfahundum á lögbylum og hundum sem notaðir eru til leitar og björgunarstarfa, svo og aðstoðarhundum blindra og fatlaðra.

2. gr.

Sveitarstjórn er þrátt fyrir ákvæði 1. gr. heimilt að veita lögráða einstaklingum sem lögheimili eiga í sveitarfélaginu undanþágu til hundahalds með eftirfarandi skilyrðum:

- a) Hundurinn skal skráður á skrifstofu Húnaþings vestra, og þar fær eigandi hundsins afhenta númeraða plötu sem jafnan skal vera í ól um háls hundsins.
- b) Árlega skal sveitarsjóði greitt leyfisgjald fyrir þá hunda, sem undanþágan er veitt fyrir. Gjaldið skal greitt samkvæmt gjaldskrá sem sveitarfélagið setur, að fenginni umsögn heilbrigðisnefndar Norðurlands vestra. Við ákvörðun gjaldsins skal tekið mið af þeim kostnaði, sem leiðir af framkvæmd þessarar samþykktar. Gjöld mega aldrei vera hærri en sem nemur rökstuddum kostnaði við veitta þjónustu eða framkvæmd eftirlitsins með einstökum þáttum. Sveitarfélagið skal láta birta gjaldskrána í B-deild Stjórnartíðinda. Gjaldið skal í fyrsta sinn greitt við skráningu hunds og síðan árlega fyrirfram 20. febrúar ár hvert. Í gjaldskrá skal einnig ákveðið handsömunargjald sbr. 2. gr. f-lið. Hundar sem notaðir eru við búrekstur á lögbylum eru undanþegnir almennu hundaleyfisgjaldi, og hundar sem að læknisráði eru notaðir eru til leitar og björgunarstarfa svo og hundar sem að læknisráði eru notaðir til aðstoðar blindu fólki og fötludu. Hafi gjaldið ekki verið greitt innan eins mánaðar frá gjalddaga er heimilt að afturkalla leyfið, svo og ef hreinsun hunda er ekki framkvæmd eftir settum reglum.
- c) Hver hundaeigandi ábyrgðartryggir hund sinn eða hunda, sem greitt er leyfisgjald af sem og þeir hundaeigendur sem undanþegnir eru leyfisgjaldi samkvæmt f-lið þessarar greinar, (s.s. þarfahunda, björgunarhunda og veiðihunda) hjá viðurkenndu tryggingarfélagi. Hundaeigendur skulu og greiða sveitarsjóði útlagðan kostnað vegna hundahreinsunar. Við hundahreinsun, sem framkvæmd skal að hausti, á sama tíma og forðagæsla fer fram (hundahreinsun og forðagæsli skal lokið eigi síðar en 30. nóvember ár hvert) skulu hundaeigendur sem falla undir f-lið leggja fram kvittun frá tryggingarfélagi, sem sýnir að trygging sé í fullu gildi.
- d) Hundurinn skal aldrei ganga laus á almannafæri, heldur vera í taumi í fylgd með aðila, sem hefur fullt vald yfir honum. Hundaeigandi skal gæta þess að hundur hans valdi ekki hættu eða raski ró manna eða verði mönnum til óþæginda á neinn annan hátt. Skilyrði fyrir hundahaldi í sambylishúsum, er að allir íbúðareigendur og íbúar hússins samþykki það og skal fylgja skriflegt samþykki þar um við umsókn um undanþágu frá banni við hundahaldi. Þá er umráðamönnum skylt að fjarlægja saur eftir hundinn. Ekki er leyfilegt að hafa með sér hunda þó í taumi séu inn í opinberar stofnanir, skólahús, matvöruverslanir eða aðra þá staði sem um ræðir í III.-V. og VII.-XV. kafla heilbrigðisreglugerðar nr. 149/1990 með síðari tíma breytingum, en þeir eru m.a. eftirfarandi:
 1. Vatnsveitur, vatnsból og verndarsvæði þeirra, brunnar og sjóveitur.
 2. Almennings- og útisalerni.
 3. Hvers konar sorpgeymslur- og sorpförgunarstaðir.
 4. Gististaðir, veitingastaðir og matsölustaðir.
 5. Tjald- og hjólhúsasvæði, nema skv. ákvörðun umsjónaraðila.
 6. Húsakynni þar sem geymd eru, framleidd eða seld matvæli.
 7. Skólar, kennslustaðir, barnaheimili og gæsluvellir.

8. Rakarastofur, hárgreiðslustofur, hvers konar snyrti- og sólbaðsstofur.
 9. Heilbrigðisstofnanir, hæli, heilsuræktar- og íþróttastöðvar og baðstaðir.
 10. Samkomuhús hvers konar og almennar skrifstofur.
 11. Kirkjugarðar, bálstofur, líkhús og líkgeymslur.
 12. Almenn samgöngutæki.
- e) Hundaeiganda ber að hlíta að öðru leyti lögum og reglum, er hundahald varðar, þ. á. m. reglur um árlega hreinsun hunda og greiðslu leyfisgjalds, sbr. b-lið þessarar greinar, svo og fyrirmælum, sem heilbrigðisnefnd setur.
- f) Bændum á lögbýlum er heimilt að hafa þarfahunda án gjalds og einnig er heimilt að skrá björgunarhunda án gjalds. Hundar á lögbýlum mega ganga frjálssir á landareign eigenda sinna. Að öðru leyti skulu slíkir hundar háðir ákvæðum þessarar samþykktar. Skylt er bændum á lögbýlum og eigendum hunda sem nefndir eru í b-lið hér að framan að sjá til þess að hundar þeirra séu ekki lausir á almannafæri.

3. gr.

Fyrir hönd sveitarstjórnar annast eftirlitsmaður á hennar vegum, framkvæmd og eftirlit með hundahaldi í sveitarfélaginu Húnaþingi vestra. Eftirlitsmaður getur leitað aðstoðar lögreglu þegar þörf krefur og starfar undir eftirliti heilbrigðisnefndar en á ábyrgð sveitarstjórnar.

4. gr.

Hundar úr aðliggjandi sveitum, sem ekki eru í fylgd með eigendum eða umráðamanni og ómerktir eru, svo og aðrir ómerktir flækingshundar skulu teknir úr umferð. Gefi eigandi sig ekki fram innan sjö sólarhringa hefur lögregla eða dýrlæknir heimild til þess að lóga viðkomandi hundi þegar í stað.

Merktir hundar á flækingsi skulu einnig teknir úr umferð. Ef eigandi vitjar hunds eigi innan sjö sólarhringa og svarar ekki til saka um brot á samþykkt þessari, sé um slíkt að ræða, hefur lögregla eða dýrlæknir heimild til að lóga hundinum án frekari fyrirvara.

Hunda, sem ráðast á menn eða skepnur, skal fjarlægja og þeim lógað þegar í stað.

Sveitarstjórn Húnaþings vestra er heimilt hvenær sem er að afturkalla leyfi fyrir einstökum hundum eða öll veitt leyfi, telji hún þess þörf.

5. gr.

Framangreind samþykkt sveitarstjórnar Húnaþings vestra staðfestist hér með samkvæmt 25. gr. laga nr. 7/1998, um hollustuhætti og mengunarvarnir, með síðari breytingum til þess að öðlast gildi þegar við birtingu.

Umhverfisstjórnuneytinu 9. mars 2000.

F.h.r.

Ingimar Sigurðsson.